

denique versus Orientem Diocesim iidem Episcopi qui antea, Pelagius scilicet Episcopus Laodiceæ, & Diodorus Tarsi obtinent: honoris prerogativa Ecclesiæ Antiochenæ reservata, quam Meletio tum presenti tribuerunt.

Nec aliud hujus eximiae auctoritatis Exarchorum argumentum omit- tam repetere, nimirum quod adhuc post Patriarchæ Constantinopolitani in- stitutionem, ad ipsos non minus quam ad Patriarcham liberum esset appellare, quando cum provincia Metropolitano cuiquam clerico lis erat, ut in actis

^a Conc. Chal.
Can. 9.

Εἰ δὲ πρὸς τὸν τῆς
αὐτῆς ἐπαρχίας
μητροπολίτην,
ἐπίσκοπος, ἢ κλη-
ρικὸς ἀμφιβη-
τοίῃ, κατὰ λαμβά-
νεται, ἢ τὸν ἐξαρ-
χὸν τῆς διοικήσεως,
ἢ τὸν τῆς βασιλευ-
σης Κωνσταντι-
νόλεως θρόνον, καὶ
ἐπ' αὐτῷ διαζέ-
σθαι.

^b Justinian. Co-
dice de Episcop.
audientia, leg. 9.

Concilii Chalcedonenfis^a dicitur. Si enim adhuc eo tempore, quo cæterorum Orientis Antistitum dignitas novi Patriarchæ splendore quasi extincta fuit, talem auctoritatem servarunt: quin prius eandem, imo & majorem sortiti sint vix potest existimari, quinve prioribus sæculis jus Patriarchicum, ut ait Euagrius, obtinuerint.

Nec tamen est, quod Exarchas illos eò potentia venisse, priusquam Con- stantinopolitano Patriarchæ subjicerentur, ausim asseverare, ut ab Antioche- ni auctoritate immunes censerentur. Etenim Patriarchales sedes omnes tan- quam protothronos semper venerati sunt, primorumque Patriarcharum sen- tentiæ omnino parendum erat, inquit Justinian.^b nec contra horum decre- ta locum esse appellationi (*nisi in causis majoribus*) à Patribus nostris constitu- tum est. Primo quidem Ecclesiæ sæculo, integræ magnæque regionis una tan- tum, ut arbitror, Metropolis erat. Sic Italia universa Romam unam, tota Ægyptus unam Alexandriam, totus Oriens pro Asia sumptus unam Antiochi- am, harumque Metropole, n Antistites unici Metropolitæ agniti sunt. Cum autem postea sub iis diversas Metropoles, pluresque Metropolitæ Patres in- stituere, is ordo ubique servatus est, ut posteriores sive Metropoles, sive Metropolitæ prioribus subjicerentur. Sic in Italia Mediolanensis, Syracusa- nus, & Caralitanus Metropolitæ Romano subiecti mansere. Sic in Ægypto, etiam ante Concilium Nicænum, ita Metropolitæ hujusce regionis ab Ale- xandrino pendebant, ut eo inconsulto, nihil quod alicujus esset momenti, prorsus exequi possent. Unde cum Antiochenus Metropolita seu Patriarcha ejusdem esset conditionis, quin parem in omnes Asiæ latè sumptæ Metropo- litas post ipsum & ab ipso institutos auctoritatem haberet, non est quod

^c Innoc. 1. Ep. 18.

in dubium revocemus. Idque non parùm evidenter confirmat Innocentius^c, dum ait Antiochenam Ecclesiam juxta mentem Nicæni Concilii super Diœ- cesim esse constitutam, non super aliquam provinciam: his verbis satis indi- cans Antiochenum Patriarcham non uni tantum provinciae, ut simplicem Metropolitam præfectum fuisse, sed integræ Diœcesi, nimirum Asiæ latè sumptæ, ex multis provinciis compositæ, quarum singula à singulis Metro- politis regerentur. Id autem ita non intellige apud Innocent. quasi Nicæ- Concilium huncce Patriarcham instituerit, eique prædictas Diœceses subjecerit:

^d Can. 6. Nicæ.

cum disertis verbis Nicæni Patres statuerint^d non quidem morem antiquum immutandum esse, sed servandum: hoc est, provincias illas ab eo adminis- trari debere, quæ prius ipsi paruerant.

Attamen non nisi ad Concilium usque Chalcedonense ordo ille stetit: cum non multò post Concilium Constantinopolitanum generale primum, in Chal- cedonensi, Asia & Pontus cum Thracia & Barbaricis provinciis Constanti- nopolitano Patriarchæ pro Diœcesi tributæ fuerint, ut superius de illo agentes annotavimus. Unde ex tribus Diœcesibus Præfecto Prætorio Orientis paren- tibus, Oriens unus Antiocheno Antistiti subiectus mansit. Immo & ei tres Pa- læstinæ ablatae sunt, ab eodem Concilio, & Hierosolymitano, ut ab ipso re- gerentur, concessæ: sicut postea Seleuciensis Metropolita in Isauria cum viginti quatuor Episcopis Suffraganeis Constantinopolitano Præfui subdi- tus fuit, ut in Notitia antiqua Græca dicitur. Ne tamen existimes intra limites tam angustos conclusum fuisse Antiochenum Patriarcham: au- di, quos huic præscribat antiqua Notitia Græca, quam ex vetusto Codi- ce